

AN PIEMONTEIS Mistral da la Provensa al Po La fo'rsa d'esempi d'un poeta da Nobel per l'arnassita dla poesi'a piemonte'isa

Pubblicazione: [10-12-2004, TORINOSETTE, TORINO, pag.43] -

Sezione: TORINOSETTE

Autore: A_M

AS deurb con ij vers ed Nino Costa (<<...e 'dco' la granda poesi'a severa/ch'a l'ha canta' Mire'io e Calenda'u/ - libera come 'l vent sel pian dla Cra'u - /per gnun pais del mond l'e' forostera>>) l'anvit a l'ancontr de Studi <<Mistral e il Felibrige. Un valore d'esempio per il Piemontese e per le minoranze linguistiche>> che la Provincia 'd Turin e la Ca de Studi Piemonte'is a l'han organisa' per mercol 15 de dze'mber, a Turin, a parte da quatr ore de do'p disne', ant l'Aula del Conse'j Provincial, an piassa Castel 205, ant l'ani del sentenari dl'assegnassion del Premi Nobel a Fre'de'ric Mistral (Maillane 1830-1914), 'l poeta dl'arnassita dla poesia, dla lenga e dla coltura dla Provensa. Per sare' l'ani mistralian, ch'a l'ha vist va'ire inissiative, e riflette, con j'euvi duvert vers la speranza dl'avni', sel valor d'esempi che 'l moviment del <<Felibrige>> 'd Mistral (fonda' sentesinquant'ani fa, del 1854, a Font Se'gugne, ant j'anviron d'Avignon), a l'ha avu' sel piemonte'is con <<Ij Brande'>> 'd Pinin Paco't e spantiasse peui ant le vaj alpin-e con l'<<Escolo dou Po>> (a parte dal 1961) che dai Brande' a l'ha pija' vos, a presenteran relassion, do'p ij salut dl'Assesor a la Coltura dla Provincia, Valter Giuliano, Pierre Fabre, <<Capoulie' dou Felibrige>>, XIIIem sucessor ed Mistral, ch'a parlera' 'd <<Mistral en He'ritage>>; Tavo Burat dla Compani'a dij Brande', <<Sulle orme di Mistral: Pinin Paco't, Ij Brande', l'Escolo dou Po>>; Dario Pasero, dl'arvista <<La Slo'ira>>, <<Mistral, il Provenzale e il piemontese nella continuita' di oggi>>; chi a scriv con na no'ta sl'omagi che ij poeta piemonte'is a l'han tributa' a Mistral del 1930, sentenari dla nassita del poeta; Piero Cazzola, President del Centro Interuniversitario di Ricerche sul Viaggio in Italia, <<Il Viaggio in Italia di Mistral>>; Giuliano Gasca Queirazza con na soa testimoniansa. A sara ij travaj Patrizia Picchi dla Provincia. A introduv e a modera Giovanni Tesio, dl'Universita' 'd Verse'j. A la manifestassion a l'ha da'it soa tu'a 'l <<Felibrige>> a l'ansegna dla memo'ria del <<1854/ ce'nt cinquantena'ri/2004>>. \